

## 東里大人序

從來非常之人必能成非常之事，伯祖大人之爲人與事其少二而寡雙者也，聰明蓋世一目數行，朝夕手不釋卷，四子十三經暨古文大家一一淹通，子史諸書過目默識無用復眼，文章雄麗雅健，古作出經入史置欲駕名儒碩彥而上之，應童子試文場畢拔入武場，以論策制勝，即魁多士而首列焉，自念弱疾不能大伸其志，堅志呈退遂治五經入文庠而郡英焉，爲人孝友鄉里多欽愛之，咸稱以文行兼優之士，噫！辭武就文原有大志，將謂祖鞭莫量豈天定勝人，三十有二竟以中道弃捐，其聰穎如顏夫子，而修短亦如顏夫子，天實爲之謂之何哉。

時維

皇上道光三年歲在癸未仲春月

谷

胡氏龙目分宗谱

卷首一

东里大人序

【华林堂】

侄孫嘉謨薰沐百拜謹序

## 愚庵先生序

古之稱德者夥矣，然觀其所紀載而核其實行往往不過有其一二，而近世習爲諛誕祇陳侈汰之詞，於是微長誇爲全美，虛聲指爲實行者所在多有則甚矣，備德之艱而備且確者尤未易數構也，乃今而得敦翁胡先生焉，余忝西席，設帳於翁之二公祠有年，翁之盛德蓋飽聞之飫見之，抑有身佩之而心銘之者矣，見先生之敬祖也起敬起愛，雖雨夕風晨未嘗少懈，其禮師也必誠必信，饋問殷勤久暫一致董戶事而條條家政，慎幽獨而了了清明，黃卷縑緇才堪倚馬，赤心皎潔事可告人，對青天而懼聞雷電而不驚，履平地而慎涉風波而不恐，先生之學養可知矣，至於創祠宇置祭產尚余事也，乃其德之盛足以光前緒而啓後賢者，則非常情所可望，所叙先生之行事非僅得之習聞間也，今見翁族譜成，用是即昔飽聞天見，身佩而心銘者，

直縷述之以爲序。

道光三年歲在癸未仲春月

谷

旦

姻弟稟生陳瑗頓首拜撰

## 品高公傳

公諱心選字軼群，品高其別號也，世召公之孫崇詮公之子，席豐履厚崇儉黜奢有隱君子風焉，此其得諸親炙者也，至公之前事嘗承庭訓耳熟能詳，雖勤心於誦讀，不域志於虛名，口無擇言時凜金人之戒，身無擇行不忘敬器之箴，而且敬事椿萱，義訓子孫，和睦宗族，情聯戚友，即鄉黨橫逆莫不紛爭就質焉，迄今標序盛德悉見清風之，華歷紀鴻猷胥覩手足之列，故年歷古稀片言無侮於人，雙字未入於公，宗族鄉黨頌聲所由作也，公德配舒老儒人，女貞是守，閭德斯純，擬陶母以何塹，較鍾郝而奚讓，以故所生皆榮，其身二難花萼相輝，俱例授太學生也，贊曰：憶公體貌爾雅溫溫，敬奉三教恪守六行，累仁積德佑啓後人，一本雙幹千枝，萬孫樹型里閤卓爾不群，貽謀燕翼不替典型。

公提墓下祭課十五石五斗永爲祀產。

道光三年歲在癸未仲春月

谷

旦

撰

孫賢縉薰沐敬

## 瀚公行述

禮云父黨無文述，父行者如以藻采爲工，過於揚厲榮華爲美，大其鋪張名也。而無實虛焉，而鮮真述之不如不述之爲得也，廷於先父大人不敢妄述，亦并不能悉述，惟述其在耳之訓，暨座右之箴，曾憶獨立趨庭之際，每耳提曰：敬勝怠者吉，怠勝敬者滅，有味丹書語，終身宜作則。更憶青燈授讀之下，時面命曰：詩書該至道，須向悉心研，予年邁矣，幹老花無艷，源深坎未穿，青春每易失，戒爾勿虛延。座箴曰人生也，直當與松芳賦。性非偶程材，有常霜侵柯綠，雨洗色蒼，感時不古，恒守端方。噫！耳訓與座箴若此，廷記而憶之。有以知先君之立心莫大於主敬傳家，惟在於詩書處世，悉秉乎直道。若思其孝友，而孝友獨見真誠，慕其言行，而言行克歸謹慎，緬其接物待人，而人已兩無所間何莫非主敬之心，秉直之

性，與詩禮之深，所流露而出醞釀而成也哉，謹述。

道光三年歲在癸未仲春月

谷

旦

撰

不肖田啓廷敬

## 懿庵大人行述

公外祖張公濂溪任湖北布政致仕養老，吾家僕婢數十衣食皆取給於公。張公卒葬於黃栗觜，有中憲大夫碑志，鄉之人稱公卒葬咸盡禮焉。愚谷先生館於問梅軒，公每曰：先生必貴以黃公之女適其子，守仕後先生甲午魁湖北戊戌歲進士，官至工部虞衡司，果如公言準之，舅陳鑒閣作行述有云：憫窮宦之顛，連周以衣食，識大儒之貧苦，重以婚姻蓋謂此也，公中年耳重聽嘗以醫書自遣，錄舊方以示人，亦猶範文正公必爲良醫之意也，而公生平概可知矣。

道光三年歲在癸未仲春月

谷

旦

孫賢準敬述

胡公長治先生有才有德人也，文林郎文益公迺其祖督守府心作公之次嗣。

恩詔武信郎世恪公之四世孫，迹其先保世滋大非，特稱庶稱富，其間登賢書入孝廉，庠序辟雍文韜武略，濟美一堂，亦極盛難爲繼者也。公乃纘戎祖考克篤前列，名登膠序後爭自濯，磨棘園且至九試，雖未獲飲膺揚，亦可謂立志堅卓，及誨長君賢相利器有成，黌宮名列次君賢玉積學藝窗，亦爲士林冠冕，迨後督守府君。

奉詔天朝勞於王事，公督修家政其品卓行端，一惟謙卑遜順，不以賢知，先人凡有闔族大事挺然獨立，有勞不辭，有費不惜。至於閤州公務如輯修州志，建造文場，則挈領提綱，言人所不能言，行人所不及行，運籌無弗周至微，特閭里親朋罔有遺議，即都會名

流爲人所未易拔者，亦時親造其廬，交訂莫逆，而皆爲領袖焉。以是知公之足以承先，足以啓後，足以睦族，足以治公，皆於才德裕之矣。古人所稱三不朽公不誠有與乎。餘敬述之以登諸譜云。

道光三年歲在癸未仲春月

谷

旦

表弟廩生陳豐翥拜撰

## 五敦公序

公自幼英敏，先生長者咸奇之，甫成童以親老，家貧出學習商賈，然性不嗜利，旦夕必備脂甘以養親，其自奉亦食必重味，衣必二采入成均後樂施，予好賓客，尤愛讀書人。凡少時所治書文，越數十年猶能了其大義，不獨記誦章句，一字無訛，而已而言論豐采，間亦時得古人微意。公不廢學。公非人杰也哉，顧公不文學而其人則卓卓，有可稱道排難解紛片言可折據長理，雖王公大人不能以威屈之，鄉鄰子弟之賢明者獎勸曲成不遺餘力，人有過則面數，故妄回不軌之徒望之莫敢近。剛方正直古道至今猶照人。然則公亦吾族之偉人也，其媳陳氏青年守義撫嗣，孫成人行年五十餘無瑕可摘，未必非公剛正之報，陳氏少侍舅姑，合巹後數年子夭夫亡，時家無寸土，僅存數十千錢，不及舅在時一月之費焉，所生氏一女而嗣子

復幼弱，不靈戚族之，成其義者又謂勢難自守，或有二其心者，嘗以死劫之，自是人不敢言。而陳氏卒能堅定其志，攻苦食淡撫子孤，以養以教俾至成人，迄今年近六十，幾微無玷鄉人。士君子皆憐而敬之，蓋與曹令女衛共姜相頡頏焉，易曰：苦節不可貞，又曰婦人貞吉若陳氏，則可謂苦節而能貞者矣。

道光三年歲在癸未仲春月

谷

旦

族弟翔鸞拜撰

## 純公行述

蓋聞太上立德，其次立功，功德之昭垂於古今也矣，公諱國勛由州庠而恩科世第及揀選衛守府候補固。

國朝盛典作人之雅化，亦祖德宗功積累而流遺者也。舉凡慧心穎悟豐姿秀逸，灑灑洋洋磊磊落落當亦我族罕有之人。

## 孟公行述

蓋聞人之立行耻名之浮於行者也，佐公豈其然哉，幼習詩書兼修武藝，後雖武藝成名，而志正體直進抑退揚不啻煥乎，其有文明者也，考之鄉邦咸抑令儀令色愈之，宗族可以是訓是型，經理五分

而有舉莫廢，督率本戶而式禮莫愆，葺似續之祠宇以妥先靈，建水口之亭閣以培後代。舉凡立德、立言、立功、恤貧濟急，排難解紛，難以悉數。茲特紀公生平大略，以志不忘雲爾。

道光三年歲在癸未仲春月

谷

旦

從堂侄啓瓊謹撰

## 俊翁先生傳

吾家譜事自冬徂春幾於告竣，族人等莫不欣欣然而有喜色焉。特遙憶俊翁未獲親閱而志願少酬耳，遐想予入泮時在嘉慶乙丑，始來祀祖，主翁之家見翁之爲人何其真切無華，倏忽幾載，人之云忘雖音莫睹而芳徽豈可沒耶。言務篤實行，己端莊，秉性骨鯁，立心忠良，居家質樸，教子義方，建立祠宇，先祖是皇，營置祀產，備享丞嘗，誰無夫婦問誰舉案齊康，誰無孫子問誰點領滿堂，祝三多而歌五福，孰有如其人乎，孰有如其人乎，今以予之鄙衷聊表公之行藏，附載譜首謹志勿忘。

道光三年歲在癸未仲春月

谷

旦

族叔庠生心逸拜撰

昔孟子之論士曰：尚志曾祖大人之志豈小焉已哉？蘇湖之道範家聲祖思繼美焉。束發授讀，聰明絕類，志願匪常，甫弱齡即以臺閣，器自期習業處，自題曰：『志不虛生，學問悉探微奧』。筆力一準先民，彬彬乎有大家風味，是以英年采芹，旋即折桂，亦闔州之人杰也哉。未幾身秉家政，應接之餘手不釋卷，絕迹公廷，嘗著大小題文數百篇，名曰：《無可集》，著詩千餘首，分列四稿，名曰：《北道惜陰集》、《尋樂齋偶語》、《并懶春集》、《半隱集》，四方之士學者宗之，從學者學舍不能容，猶然大成在念，困於公車七次，有江浙名士曹有夏於歷科鄉墨內采擇名手，值會試之年，繕單招聚名士結會於都中，公首列焉，歸語子侄曰：『觀海難爲水，天下無一可恃者』。雍正科分每於正榜，後數日發續榜進士十餘人，丁未

科房官崔薦公卷，候中續榜是科，遲半月始發，房官誤以爲無望，將原卷圈點批云：說理如劃沙，印泥用筆如，翔鸞翥鳳知其邃養有素矣，二三場亦復典雅名貴，非從事剽竊者可比，已經呈取半月苦爲額數所限，不勝扼腕然。三年大比不遇轉瞬間事耳，余爲予拭目俟之，迨後取卷填榜，遂不敢呈，召公往見面語原委嘆賞無暨，囑遺卷發梓，文藝行世嗚呼，心血半清磨於誦讀之中，病恙即成於不遇之際，雖白玉階前尊荷天顏之盼，而勛業未著於彤廷，祇屬三號卞璞，從春桃浪裏嘗蒙國士之知。而坎坷忽生於肘腋，終歸一枕黃梁。不誠大有遺恨乎！深使後之學者感其文行而莫能忘，云是爲序。

道光三年歲在癸未仲春月

谷

旦

曾孫嘉謨薰沐謹撰

## 崇詮公傳

從來子孫不肖，侈談祖宗，粉飾其詞，誣枉先代世俗皆然，本實而道者蓋寡矣，溯我曾祖諱崇詮字紹康，世召公之子也，士鰲之孫，立業君子也。勤儉持家不事紛華，家資於以席豐也。實行克敦不務虛浮先緒於以恢宏也，詩書教子訓以義方，家聲於以丕振也。觀其和睦宗族鄰里尊師友重交游，蓋居然有處士風焉，公原妣周，繼妣張俱有閭中範，先祖系周妣所出，雖曰終鮮兄弟，而蟄蟄繩繩克昌厥後謂非公德之盛乎，書曰積善之家必有余慶，可爲我曾祖頌之，謹述實行昭茲來許。

道光三年歲在癸未仲春月

谷

旦

曾孫賢經謹識

## 理元妣田孺人傳

聞之一言可嘉則嘉之，一行可錄則錄之，維我祖諱諭廷公祖母氏畢言無口過行無怨惡，雖唾面自乾厚有餘也，我先考居幼，妣田氏，生子四，緬諭公之忠良，沐先考之教訓，柏則猶事詩書，梅則竭立耕田，稍知相術，婺亦能治家務，森雖幼沉潛蓋有由也，迄今考往而妣逝矣，其生平正直慷慨，爲人亦難枚述，即於諸父分爨時，柏就傳諸弟，幼姐將適兼負債，斯時家實難爲，考則施於有政，是教耕課讀行可模也，即柏應試二十年零，考常不惜費資，而且殷勤倍切，及寢疾時不惟田宅創建而一家有餘資，非公之節儉暨妣之內助乎，然母之劬勞又有父所不及者，治中饋事公姑，尊伯叔敬師賓，給工匠理家務，手足胼裂不憚勤勞，其艱苦如此，固非徒推乾就濕補綴威紉己也。

道光三年岁在癸未仲春月  
旦

谷

男启柏谨述

是歲壬午，闔族恭修家乘，中承族命，得步諸君子後贊瓢厥事。越明年癸未譜事將竣，中子若孫請序於中，欲將中平生行誼，倩諸縉紳翰藻以生色焉，中思家之有譜猶國之有史，譜史類也。

史以紀興衰定褒貶示懲勸；譜亦所以序昭穆明人倫分支派，二者同而异，异而同，然要皆昭信紀實之書，非徒以高文典冊傾壓後人已也。中不敏樗櫟庸材，既無嘉謨嘉猷，又無令聞令望，多慙黷序，曷敢稍涉揚厲張大其詞以欺世而盜名乎。誠以天生蒸民，有物有則其立心制行，持身處世，內而庭幃骨肉，外而親戚交游，言焉而貴以忠，行焉而貴以慎，引分自守愚懦自安俾人，無所怨我亦無所德，無毀無譽足矣，中亦嘗心竊慮之，未克臻此，今爾曹欲粉飾其說，浮譽其詞，以付諸黎棗，中但欲美其名，適形其陋，有多致誚於鄉邦處，

惟冀爾曹幸獲堯天舜日，叨庇祖德宗功，用是恢宏，先緒丕振宗聲

是余之厚望也夫。

道光三年歲在癸未仲春月

旦

谷

啓中九疇氏自識

## 啓星先生行述

昔品正獻公自少講學，節嗜欲、薄滋味、戒紛華、飭靡麗、嬉戲不形於口，動作不苟於身，終日端坐常以治心養性爲本，公生平爲人大約彷彿近是，陰謀不敢用，獨守其經，奇功不敢居，獨出於正其行已也。足不履擾攘之地，其立言也口不道譏諷之談，舉凡交接往來，或酬以情，或應以禮，不但識之於心，而且書之於筆，一切炎涼世態奸險人情，靜以待之。寬以俟之詩曰不忮不求，何用不臧公之謂也。余忝屬戚末，久仰其懿範，恨未親造其廬耳。適辛巳歲有令嗣君文盛先生設帳於余家芝蘭書屋，得挹公之芝眉，親炙其道範見之真而知之。穩公已往矣，而芳規懿行豈可没乎，今聞闔府重鑄家乘，予不揣謏陋謹修數言，附載牒末，庶可表公之芳徽留傳簡策間矣。

旦  
道光三年岁在癸未仲春月

谷

眷姻弟庠生张如照顿首拜撰

懷翁行述

翁諱瑜，字懷瑾，崇禮公之孫，心徵公之三嗣也，翁爲人和藹賦性溫良，遵節儉尚素樸，其立心也。謹遵先人遺訓其行己也，恪守祖父芳規，言不虛談行不妄動，至若睦宗族和鄉鄰是皆率其本真誠，有古訓是式之遺風焉，翁攻讀詩書屢試前列，但恨其未售耳，奮志桑麻率其子弟樂於農圃，嘗曰：但願耕鑿安時命，不必衣冠與俗同，種竹栽桑皆務急，尋文論字待閑工，里黨咸以爲隱逸之士也。叔岳母陳孺人，不第有中饋之賢，而四德皆備，堪爲巾幗之丈夫也。嗣君有四，咸有父風，繞膝孫現五人，雖非英物稱奇，然而顯名裕後其可量乎。才忝在戚誼往來稠密，翁之行止無不在心目間矣，歲壬午貴族三修譜牒，翁爲貴族之編修，可謂敦本睦族欣然有慶矣。晚不揣鄙陋，不敢虛妄其說，鋪張其詞，但言其生平之實行梗概，

錄諸譜牒以志不朽云。

道光三年歲在癸未仲春月

旦

谷

侄婿孫廣才頓首敬述

## 紹基先生傳

先生諱賢緒字紹基號德齋姓胡氏，予弱冠時接其音容知爲古君子，而實迹猶未盡悉也。今歲胡氏譜牒三修，令嗣用周等述先生之行狀，囑予爲傳以永之。謹按先生之生父已捐館四月稍長即從名師游，無幾家政猥集不得已捐入成均，故其事母也，雖一綫幸延不恃厥愛，而一舉動必稟命，爲人和介純樸，不作妄語，不以機巧待人，有以虛誕告者以誠實應之。遇三尺童子必加禮焉，故交雖歷數十年相見如初，堂弟一人待之，無爾我之分，家本素封默思祖意，於佃者無毫發需索，以故厭世日，遠近聞之咸哭失聲，令嗣有四，悉課讀成人，予族與先生家世爲戚好，得悉先生之遺行，敢不敬承作傳，至若生卒俱悉家譜中，茲不復贅。

時維

旦

道光三年岁在癸未仲春月

谷

姻孙莹竹味香氏拜撰

玉田公迁居黃梅序

群山萬壑其派繁矣，而必本於崙崑積石龍門其流大矣，而必肇於星宿，蓋造化之理。根本盛而枝葉茂。未有枝葉不原於根本者也。所以余族自俊齋祖始居龍目衝，而調公修一分之譜必由俊齋祖爲始，亦水源木本之義也。而余黃梅一分雖分疆異域，別隸版圖可忘其所由始乎。自前明萬歷初，十世祖玉田公留情山水遍游名山，見黃梅大洋廟之西山環水繞，遂買田下戶而卜居焉，即老譜所載江家衝是也，今名胡雲登地以人名耳，而江家衝之名仍從其舊。嘉慶乙丑心逸入庠，予携以恭謁祖塋，見合族人士幼壯孝弟，耆耄好禮，罔不格守前人遺規。且言及譜事自調公創始於前，既已收拾遺忘無分遐邇，仁安公重修於後，莫不敬愛流貫一派融通，迄今又七十年矣。譜之修也我諸人與有責焉，余應曰唯唯。今歲重修譜系余年老

不能共瓢廩事，而合族以年分居長問序於余余自揣耄荒，堅辭至再，且首事諸君錦心綉口更無庸余之代庖，予第叙我分遷梅之始末而已，因弁數語於傳首，一以慶諸公敬宗收族之美，一以志我祖析居隸籍之由，是爲序。

道光三年歲次癸未仲春月

谷

旦

十五世裔孫崇詔謹撰  
時年八十有五

譜者非徒編年紀月之謂，兼以揚先人令德法式將來者也，江家衝胡氏一族系蘄陽世胄，而析居黃梅其世居蘄陽者科甲聯輝。

龍章寵錫悉數難終，第就黃梅章軒公松若公而論其二，難競爽有可得而言者矣。自仲公忠厚貽謀，永公光前烈而大之，教誨二子皆身列黌宮名傳學校，以故予伯岳章軒大人，生有俊才，雅好詩禮文章，經濟夙冠儒林。岳翁松若大人忠信爲主，明哲保身，鄉國英耆，文壇老宿，猶不庭訓自專，兼訪名師以植書香根柢，所以余內兄亭谷先生繼之，幼嫻家學，壯拾芹香，恪守

卧碑不伍流俗，讀書立品文行兼優，雖屢入棘闈久而不第，而其不出戶庭壯心未已，龍頭有屬未可知也。何莫非松若公尊師重道之報哉。美矣乎，家乘光昌更數傳而彌顯人文蔚起，歷百世而常新。

余以爲積善之家庆矣。因尊府谱事告成，爰书以志之。

道光三年岁次癸未仲春月

谷

旦

婿学膳生余德兹拜撰

歲壬午闔族續輯譜志，余承族命贊瓢厥典，閱諸先達父兄傳文行略不覺有耿耿於懷而不能已焉者，溯余幼也，余生六月慈母見背，蒙外祖考陳公諱雍泰，外祖母程太君，命伯舅母何孺人乳哺周以飲食，教以詩書至於成立，皆外祖考諸舅父之力也。繼母氏宋生弟五人，年十二歲失恃焉，少弟甫周歲，可憐先父兼母矣，年十四弃書就農，十九就傳游藝，然自知非所自立者。癸丑冬伯舅遷房邑，余爲之輔，遂居房之上龕焉，甲寅暮冬伯舅辭世，舅母表弟相倚度日，其中艱苦倍嘗。丙辰春邪教陡起，剽掠其村落各邑，里督鄉勇爲之防，予先一年冬游秦之白河，回上龕四百余里，路過鄉勇之卡房三十余處，無不狼剥其衣服，繩縛其手足，持白刃而加其項，執烏槍而指其腹，詢其根源訊其鄉貫然後放行。斯時也口欲忿激而囁嚅，

而諸弟莫知我賞余於順親友弟之道，亦皆莫能盡焉。惟外祖憫予多難，舅氏嘆予多勞，澤予之情若岳也。愧我未獲一報耳。己未糊口於宋氏諸大人，雖少寬慰，而其中猶有戚戚者。孟子曰：不孝有三，無後爲大。辛酉娶朱氏舉二子一女俱殤，嗟乎！幾喪西河之目，深懷伯道之憂，幸而堂弟有子氣聯盧邁，誼切同根誠不幸中之一幸耳。壬戌館於龍山祠，諸弟欲分爨，伯叔以理抑之，癸亥冬竟析箸焉。丙寅春父染疾，孟冬疾痊，丁卯春原疾復作，予於龍山祠就養焉，十月七日先父辭世，泣思昔之，不肯散箸者爲父在也，今之自春及冬就養無方者，冀父之生也而今已矣，子道安在哉？戊辰季夏次弟斃已矣，悉遷於秦，嗚乎！父兮母兮不聞不見，兄也弟也一楚一秦，予之不幸也，何至此哉，已焉哉，天實爲之，謂之何哉，戊寅仍舌耕於母族之南姜氏之書屋焉，夫

視茫茫，而發蒼蒼，而齒牙動搖而脫落矣，吁！莫非老之將至也耶，後此之歲月不可前知，此際之窮通險易又何須較論哉。吾嘗聞先大夫蘧伯玉者，行年五十而知四十九年之非，非余敢云，反躬自責而自知非者也，凡理不順人情者，生平實未有也，蓋恪守先人之舊法，遵外祖之遺訓，安分以俟命而已，今承族命，倡輯家乘時將告竣，聊叙微衷

族叔敬之，見而憐以付梨棗載諸譜末，俾後之覩之者知余遇之况，瘁閱歷之艱辛云。

道光三年歲次癸未孟夏月

谷

旦

志

小萊自

## 翼翁大人行述

人之有家莫善於承先啓後，非有能有爲者不足與於斯也，余舅氏胡老翼翁先生，余外祖諱諭廷之次嗣也，伯仲有五，長諱克豪出嗣五叔，雖視兄居次，而視弟則居首，年方十歲時即以家政自任，外祖亦以家政傳之，於是次第施行，囑弟赴塾讀書，迨年稍長凡稼穡貿易皆先自竭其力督率以從事，於是家中產業亦較前日式廓，而家道遂臻乎大成。有子五，一入成均，孫亦林立，洵哉矍鑠哉，是翁至其爲人性情公直，戶有公幹少長輩無不以克裁克決相推，又無待論也。由此觀之，若斯翁者可謂能承先可謂能啓後矣。

道光三年歲次癸未孟夏月

外甥陳豐翥拜

## 襄烈大人序

舅氏胡公諱襄烈，外祖諱諭廷之第三嗣也，其生平余見之，甚悉數之，正復難終迹，其居家上領父命，復隨兄督，毫不敢自暇，自逸，因心則友以成家道，古之人所謂民生在勤，勤則不匱，亦所謂君子能勞，勞則有繼者庶克當之矣，生子一字若蘭，甚聰慧，曾從余學數年，迄今年近三十能繼父志料理生產，亦善隨諸父意，能友從兄弟至族人，公務嘗克與之。因積學未售，選人成均，則爲後嗣者之有猷有爲要皆，乃翁之貽謀遠也，是爲序。

道光三年歲次癸未孟夏月

撰

外甥陳豐翥拜

## 式金先生行述

有谷可以貽孫，資富庶幾能訓，於胡族式金先生得之矣。先生爲諭廷太翁之哲嗣，行屬以四，篤因心之愛成繼志之光，洵可謂敦孝友而無忝矣，而復能燕翼多，謀鴻圖獨展。生丈夫子二，長列成均，次稱殷實，一則橫經而有耀，一則秉耒以無憂。而先生方將入撫琴，出垂釣，嘯泉石，醉桑麻，磊磊明明，融融曳曳，馴致乎年高德邵之域，自臻夫光前裕後之休，其克見美於鄉邦，而增輝於家乘也。已爰雀躍而爲之序。

道光三年歲次癸未孟夏月

丙子科舉人年家眷姻晚陳曉陵少卿氏頓首拜撰

## 象翁先生序

蓋聞家之有譜國之有史，國史紀德紀功，家譜亦然，上昭祖功宗德，下表子孝孫賢。古人云占小善者卒以錄名一藝者無不庸？又云大行受大名細行受細名。夫翁之爲人智慧雖未出於其類，而行誼無不可對人言。居家以力田爲本，處世以方便爲門，全兄弟之孝友，勸子侄以耕讀，其行己也無誰無虞其立言也，勿二勿三時嬉游於壟上，策扶老以自適，常守望於畎畝，警偷竊之匪類，誠所謂高人遺士，守分安命，順時聽天者也，何樂如之。且內助多賢，主中饋而豐，菲咸宜安，內閭而柔順，爲正其他夫唱婦隨，夫順婦從者蓋亦多矣。論二老之齊眉，雖未享嗣子於萬斯年，定擬嗣孫之克昌厥後，今值家乘告竣，敢竭鄙忱恭疏短引，勿弃固陋，附刊梓行以俟後人之傳云耳。

